

1337 omnium dicitur, subito incurſu concremavit. Cæterum Meſtrani aliquanto poſtea nova oppugnatione territi, deditio- nem fecerunt. Admotis inde Tauriſium caſtris, duas urbis portas, noctu injecto igni, Venetus concremavit. Tanta nocturna illa trepidatione metus civibus injectus eſt, ut multi mortales noctis umbra freti, per adverſa ab hoſte loca urbe egreſſi fugam moliti ſint: ex iis nonnulli amentî curſu in hoſtes delati, capti dicuntur: in quibus Clara Caminenſis, ſœmina illuſtris, ſervili habitu oppreſſa eſt. A majore oppugnatione eſt temperatum: neſcio an quia parum confiderent, oppidum capi poſſe, ignari videlicet trepidationis civium ac conſternationis illius noctis, ſeu potius ad Servalum recipiendum properatum eſt; quod oppidum per eos dies in Veneto- rum fidem veniſſe quidam tradunt. Maſtinus interea & Albertus fratres, præter tot oppida intra paucos dies amiſſa, cognita ſociorum defectione, a quibus jam aperte in ſe parari bellum audiebant (nam fama erat, Luchinum Vicecomitem, qui ex propinqui ſui Accionis morte Mediolani Principatum nuper adeptus fuerat, & Philippum Gonzagam aut jam in ſe moviſſe, aut certe paulo poſt moturos) tantis malis circumventi, haud ſane illis conſtare poterat, quæ quibus conſilia præferrent: quibus potiſſimum locis hoſtium conatibus ſe objicerent: quibuſve præſidio urbibus eſſe vellent. Sed in tanta fluctuatione rerum quum parum liqueret quid afflictis rebus expediret, Maſtinus Patavio repente proſectus cum maxima parte copiarum, Alberto ad urbis præſidium relicto, Veronam abiit. Maſilius Rubrius interea, Atheſi ſuperato, per Poleſinum cum copiis quas a fratre acceperat, Mantuam venit: hicque junctis copiis Philippus Gonzaga & Luchinus Vicecomes de ſumma rei cum eo locuti, belli partes inter ſe comparant: placuitque imprimis Veronam acriter bello invadere. Motiſque repente ſignis, hoſtium fines ingreſſi, omnia circa urbem ſœda populatione complent: inde cum tumultu ad urbem obſidendam verſi, expediunt quæ ad oppugnationem neceſſaria videbantur. Carolus interea, Joannis Boemiæ Regis filius, cum magna barbarorum manu circa Feltrum conſediſſe dicebatur: quo accidit, ut uno tempore tri-